

մեծութիւն է նախաժամանկոցն աւրինակ լինել առաքինութեան ազագայիցն, ոչինչ նըւազ ի գովութեան մերում բարւոյս հետեւելոցն զկնի նորա զոլ գեղաղէշ զաղափար: Արդ՝ զամենայն ասել զնորա և համեմատել՝ ոչ ոք ի ծայրագունիցն գերազանցէ զսա, և պատմութիւն և ոչ գովութեան ոճ: Եւ կամ զկենցաղն յիշել. թէ յորո՞ց արհեստից և վայրից եկն յայս՝ որ է զարմացումն և ի վերքան զհրաշ:

Բանզի ոչ ի տան կեցեալ և ոչ յանապատի սնեալ՝ առ միանձունս ընտակերս և չորաճաշակս, աղաւթակերս և պարկեշտախաւսս. այլ ի քաղաքս, յարկս թագաւորաց և ի դըրունս հզաւրաց.<sup>1</sup> անտ ուր յորով են հաղբքն և քաղցրագոյն խանձն, ախամա և դիւրաւ ըմբռնումն, և անթիւ է նիւթ հրոյս, այսինքրն՝ պատրիչ սգայութեանցն, տեսանելեացն ցանկալին, լսելեացն հեշտալին, ճաշակելեացն համադամն, ըռընկացն հոտոտումն, շաւշափելեացն կակղագոյնն, և ամենայն ինչ պատրաստ առ ի չարութիւն և մուտք ի մեղս: Ուր և ողջախոհութիւնն է եղկելի և բղջախոհութիւնն գովելի, պարկեշտութիւնն ծիծա-

1. Կոր. օեկեալ ի գաւառն Արշակունեաց քաղաւրաց Հայոց մեծաց, կացեալ յարժունական դիւանին . . . »: